

ხელშეკრულება
სახელმწიფო შესყიდვის შესახებ №6.2.14.6/10/155

ქ. თბილისი

31 დეკემბერი 2014 წ.

1. ხელშეკრულების დამდები მხარეები

ერთის მხრივ ქალაქ თბილისის მუნიციპალიტეტის მერიის გლდანის რაიონის გამგეობა (შემდგომში „შემსყიდველი“), წარმოდგენილი გამგებლის ბესიკ ქარცივაძის სახით და მეორეს მხრივ შპს „ილი ჯგუფი“ (შემდგომში „მიმწოდებელი“), წარმოდგენილი მისი დირექტორის იაშა ჩაჩუას სახით, ვხელმძღვანელობთ, რა საქართველოში მოქმედი კანონმდებლობით, საქართველოს კანონის „სახელმწიფო შესყიდვების შესახებ“ მე-10¹-ე მუხლის მე-3 პუნქტის „ბ“ ქვეპუნქტის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-3 მუხლის მე-2 პუნქტის „ბ“ ქვეპუნქტით, ქ. თბილისის მუნიციპალიტეტის საკრებულოს 16.12.2014 წლის №04/18771 თანხმობის წერილის საფუძველზე გამარტივებული შესყიდვის საშუალებით ვდებთ წინამდებარე ხელშეკრულებას:

2. შესყიდვის ობიექტი და ხელშეკრულების ღირებულება

2.1 ხელშეკრულების (შესყიდვის) ობიექტს წარმოადგენს:

გლდანის რაიონში მცხოვრები მძიმე სოციალურ მდგომარეობაში მყოფი 2175 მოქალაქის უფასო სასადილოთი მომსახურების სახელმწიფო შესყიდვა, მ/შორის:

- ა) ქ. თბილისში, გლდანის მე-7 მ/რ კ.4ა-ში მდებარე სასადილოში- 355 ბენეფიციარის მომსახურება
- ბ) ქ. თბილისში, გლდანის მე-6 მ/რ კ.7-ში მდებარე სასადილოში- 450 ბენეფიციარის მომსახურება
- გ) ქ. თბილისში, მუხიანის მე-2 მ/რ კ.22-ში მდებარე სასადილოში - 550 ბენეფიციარის მომსახურება
- დ) ქ. თბილისში, მუხიანის მე-2 მ/რ კ.18-ში მდებარე სასადილოში- 270 ბენეფიციარის მომსახურება
- ე) ქ. თბილისში, ლიბანის ქ. №7-ში მდებარე სასადილოში- 550 ბენეფიციარის მომსახურება

2.2 კლასიფიკატორის კოდი - 55500000

2.3 ხელშეკრულების ღირებულება დანართი №2 (ფასების ცხრილი) შესაბამისად შეადგენს:

72536.25 (სამოცდათორმეტი ათას ხუთას ოცდათექვსმეტი) ლარი და 25 თეთრი

(ყველა თანმდევი ხარჯის და სავალდებულო გადასახადის ჩათვლით)

ფასებიც ცხრილი წარმოდგენილია შესყიდვის ობიექტის საერთო ღირებულებაზე, ერთი ბენეფიციარის დღიურ კვებაზე გაანგარიშებით, ჩაშლილი ხარჯთაღრიცხვის გარეშე.

3. მომსახურების გაწევის ვადა და პირობები

3.1 მომსახურების გაწევის ვადა: 2015 წლის 03 იანვრიდან 2015 წლის 31 იანვრის ჩათვლით ყოველდღიურად

3.2 მომსახურების გაწევის ადგილია:

- ა) ქ. თბილისში, გლდანის მე-7 მ/რ კ.4ა
- ბ) ქ. თბილისში, გლდანის მე-6 მ/რ კ.7
- გ) ქ. თბილისში, მუხიანის მე-2 მ/რ კ.22
- დ) ქ. თბილისში, მუხიანის მე-2 მ/რ კ.18
- ე) ქ. თბილისში, ლიბანის ქ. №7

3.3 მიმწოდებლის მიერ გაწეული მომსახურება უნდა შეესაბამებოდეს ხელშეკრულებით და თანდართული დოკუმენტაციით გათვალისწინებულ მოთხოვნებს.

4. მოქმედ კანონმდებლობასთან შესაბამისობა

4.1. მომსახურების გაწევისას შესაბამისი სტანდარტების, ხარისხის, ნორმების დაცვაზე პასუხისმგებლობა ეკისრება მიმწოდებელს.

4.2. მიმწოდებელი პასუხს აგებს მოქმედი კანონმდებლობით დადგენილი ნორმების დაცვაზე, მათ შორის ტექნიკური უსაფრთხოებისა და გარემოს დაცვის უზრუნველსაყოფად შესაბამისი ზომების მიღებაზე, მომსახურების გაწევისას გამოყენებული ან გამოსაყენებელი მასალის, აღჭურვილობის, მექანიზმების უსაფრთხოებაზე, მათი დაკარგვის ან გაუმართაობის შედეგად გამოწვეული ზიანის ანაზღაურება ეკისრება მიმწოდებელს.



5. მომსახურების გაწევა

5.1 მიმწოდებელი ვალდებულია უზრუნველყოს სასადილოს მიერ საკვების ბენეფიციარებზე გაცემა დღეში მინიმუმ 4 საათის განმავლობაში, 16:00 საათამდე. მომსახურების გაწევის ვადაში არ შედის საკვების მომზადებისთვის საჭირო დრო.

5.2 მიმწოდებელმა საკვები ულუფები უნდა გასცეს გამგეობის მიერ ოფიციალურად გადაცემული ბენეფიციართა ძირითადი და დამატებითი სიების მიხედვით და გაცემისას უზრუნველყოს ბენეფიციართა აღრიცხვა დანომრილ, აკინძულ, ზონარგაყრილ და გამგეობის ბეჭდითა და გამგებლის ხელმოწერით დამოწმებულ ჟურნალში. ჟურნალში ულუფის მიღების შემდეგ ხელმოწერა შეიძლება განახორციელონ თავად ბენეფიციარებმა ან, შეუძლებლობის შემთხვევაში, ბენეფიციარის გრაფაში სპეციალური აღნიშვნა უნდა გააკეთოს შემსყიდველის წარმომადგენელმა, დასწრების შემთხვევაში, ან მიმწოდებლის წარმომადგენელმა. მოსამზადებელი საკვების ულუფების რაოდენობა არ არის დამოკიდებული კონკრეტულ დღეს საკვების მისაღებად გამოცხადებულ პირთა ოდენობაზე. მოსამზადებელი საკვების ულუფების ოდენობა განისაზღვრება ხელშეკრულებით განსაზღვრულ ბენეფიციართა ოდენობითა და მენიუთი. სასადილოსთვის განკუთვნილ ფართებში შესაძლებელი უნდა იყოს ბენეფიციართა არანაკლებ 3%-ის მიერ ერთდროულად საკვების ადგილზე მიღება.

5.3 შესაბამისი კომპიუტერული პროგრამის დანერგვის და გამგეობის მიერ სასადილოსათვის სათანადო კომპიუტერული და ტექნიკური აღჭურვილობის მიწოდების შემთხვევაში, მიმწოდებელმა უნდა უზრუნველყოს სასადილოში ბენეფიციართა გამოცხადებისა და მათ მიერ მომსახურების მიღების აღრიცხვის წარმოება ელექტრონულად, აღნიშნული პროგრამით.

5.4 კვების პროდუქტების მიწოდების, შენახვისას, საკვების დამზადებისას და გაცემისას მიმწოდებელმა უნდა დაიცვას სანიტარული და ჰიგიენური ნორმები, მალეუჭებადი პროდუქტების მიწოდება უნდა მოხდეს ყოველდღიურად, სასადილომ უნდა გამოიყენოს მხოლოდ ახალი და ხარისხიანი პროდუქცია, ბენეფიციარებზე უნდა გაიცეს მიწოდების დღეს დამზადებული სადილი.

5.5 მენიუსა და მომსახურების გრაფიკში ცვლილების შეტანა დაუშვებელია, გარდა გამონაკლისისა, რაც წინასწარ წერილობით უნდა შეთანხმდეს შემსყიდველთან და გათვალისწინებულ უნდა იქნეს ანგარიშსწორებისას.

5.6 სასადილოში ბენეფიციართათვის თვალსაჩინო ადგილას მიმწოდებლის მიერ განთავსებული უნდა იყოს ყოველდღიური მენიუ და სასადილოს სამუშაო საათები. საკვების გაცემა უნდა მოხდეს მენიუთი განსაზღვრული ულუფის წონის/მოცულობის შესაბამისად სასწორისა და ზუსტი მოცულობის განმსაზღვრელი ჭურჭლის მეშვეობით.

5.7 სასადილო უნდა აკმაყოფილებდეს სანიტარულ-ჰიგიენურ პირობებს, აღჭურვილი უნდა იყოს სველი წერტილით, რომლითაც ბენეფიციარებს შეეძლებათ სარგებლობა.

5.8 შემსყიდველის მიერ მიმწოდებლისათვის ნებისმიერი ქონების, მათ შორის ტექნიკური და კომპიუტერული აღჭურვილობის, გადაცემა არ იწვევს მიმწოდებლის საკუთრების უფლების წარმოშობას აღნიშნულ ქონებაზე. მიმწოდებელი პასუხს აგებს ქონების დაცვაზე და მისი გამოყენებისას უსაფრთხოების ნორმების დაცვაზე, ვალდებულია ხელშეკრულების მოქმედების შეწყვეტისთანავე დაუბრუნოს შემსყიდველს მის მიერ გადაცემული ქონება იმავე მდგომარეობაში, რომელშიც მისგან მიიღო, ნორმალური ცვეთის გათვალისწინებით.

6. ხელშეკრულების შესრულების კონტროლი

6.1 შემსყიდველს ან მის წარმომადგენლებს უფლება აქვთ ნებისმიერ დროს განახორციელონ მიმწოდებლის მიერ ნაკისრი ვალდებულებების შესრულების კონტროლი და განახორციელონ მომსახურების ხარისხის პერიოდული ინსპექტირება, რომელიც შეეხება სასადილოს ფუნქციონირებასთან და მომსახურების მიწოდებასთან დაკავშირებულ ყველა საკითხს. ინსპექტირების თაობაზე დგება შემოწმების ოქმი, სადაც აისახება ინსპექტირების შედეგები, რომელსაც ხელს აწერენ ინსპექტირების ჯგუფის წევრები და მიმწოდებლის უფლებამოსილი წარმომადგენელი.

6.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

6.3 შემსყიდველი შემოწმების შედეგად გამოვლენილი ნებისმიერი წუნდების შესახებ გონივრულ ვადაში წერილობით აცნობებს მიმწოდებელს შესაბამისი მიზეზის მითითებით. მიმწოდებელი ვალდებულია საკუთარი ხარჯებით აღმოფხვრას კონტროლის (ინსპექტირების) შედეგად გამოვლენილი ყველა დეფექტი ან ნაკლი.

6.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ:

ზურაბ ქაშიაშვილი – გამგებლის მოადგილე სოციალურ დარგში;

მაია ჯაფარიძე – გამგეობის სოციალური განყოფილების უფროსი;

მაკა სხირტლაძე – გამგეობის სოციალური განყოფილების მთავარსპეციალისტი;

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიღება-ჩაბარება განხორციელდება ეტაპობრივად, ხელშეკრულების დანართით განსაზღვრული ფორმით, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-6 მუხლის 6.4 პუნქტით განსაზღვრული პირები), მომსახურების გაწევის ყოველი თვის დასრულები შემდეგ.

7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

8. ანგარიშსწორება

8.1 შემსყიდველის მიერ წინასწარი ანგარიშსწორება არ განხორციელდება.

8.2. ანგარიშსწორება მოხდება ლარებში.

8.3 გადახდის ფორმა – უნაღდო.

8.4 მიმწოდებელთან ანგარიშსწორება განხორციელდება შესაბამისი მიწოდების ეტაპის დასრულების შემდეგ მიღება-ჩაბარების აქტის გაფორმებიდან და მიმწოდებლის მიერ შესაბამისი მოთხოვნის წარმოდგენიდან არაუგვიანეს 30 კალენდარულ დღეში. საჭიროების შემთხვევაში აღნიშნული ვადა შეიძლება გაიზარდოს არაუმეტეს 30 კალენდარული დღით.

8.5 თითოეულ ეტაპზე შესრულების მიღებასთან დაკავშირებით მიღება-ჩაბარების აქტის გასაფორმებლად მიმწოდებელმა დოკუმენტურად დადასტურებული ფორმით უნდა წარმოადგინოს შემდეგი ინფორმაცია:

ა) სასადილოში დამზადებული/შემოტანილი მენიუთი განსაზღვრული ულუფების დღიური რაოდენობა;

ბ) საანგარიშსწორებო პერიოდში სასადილოს მომსახურების მიწოდების დღეების რაოდენობა;

გ) ხელშეკრულებით განსაზღვრული ერთი ბენეფიციარის დღიური კვების ღირებულება;

დ) ანგარიშსწორებისთვის მოთხოვნილი თანხა (ამ პუნქტის ა, ბ და გ ქვეპუნქტების ნამრავლი);

ე) შემსყიდველის ინსპექტირების ჯგუფის თანდასწრებით, ბენეფიციართა უმრავლესობის ხელმოწერილი წერილი, რომლითაც დასტურდება, რომ შესაბამის პერიოდში მიწოდებული ულუფების შემადგენელი კერძები, რაოდენობა და მოცულობა შეესაბამება მენიუთი გათვალისწინებულს.

8.6 ინსპექტირების აქტებით რაიმე დარღვევის გამოვლენის შემთხვევაში, შემსყიდველი ორგანიზაცია უფლებამოსილია მიმწოდებლისგან მოითხოვოს შესყიდვის ობიექტთან დაკავშირებული სხვა დოკუმენტაცია.

8.7 მიმწოდებლის მიერ ბენეფიციარზე დღიური ულუფით გათვალისწინებული ნაწილის მიუწოდებლობა ან ნაკლები რაოდენობით/მოცულობით მიწოდება განიხილება სრული ულუფის მიუწოდებლობად, რაც შესაბამისად უნდა აისახოს მიღება-ჩაბარების აქტში.

9. ფასები

9.1 შესყიდვის ობიექტის ფასი განისაზღვრება ლარებში.

9.2 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

10. ხელშეკრულებაში ცვლილებების შეტანა

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე

მხარეს შესაბამისი ინფორმაცია.

10.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

10.4 ხელშეკრულებაში ცვლილების განხორციელებას არ საჭიროებს მიმწოდებლის მიერ ხელშეკრულების დანართში მოცემული ხარჯთაღრიცხვით განსაზღვრულზე ნაკლები ანაზღაურების მოთხოვნა, ასეთ შემთხვევაში, დაუშვებელია ხარჯთაღრიცხვის მთლიანი ღირებულების შემცირება მისი შემადგენელი სხვა პუნქტების ფასების გაზრდის ან/და ახალი პუნქტ(ებ)ის ჩამატების ხარჯზე.

10.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩათვლება ხელშეკრულების განუყოფელ ნაწილად.

10.6 მიმწოდებლის მიერ ხელშეკრულებაში ცვლილების შეტანის ინიცირების შემთხვევაში, იგი ვალდებულია შემსყიდველს წარუდგინოს შესაბამისი დეტალური დასაბუთება წარიღობით, მათ შორის, საქართველოს სამოქალაქო კოდექსის 398-ე მუხლით გათვალისწინებული გარემოებების არსებობის შესახებ.

10.7 მხარეებმა ხელშეკრულებაში მითითებული ნებისმიერი რეკვიზიტის ცვლილების შესახებ წერილობით უნდა აცნობონ ერთმანეთს. აღნიშნული არ საჭიროებს ხელშეკრულებაში შესაბამისი ცვლილების განხორციელებას.

11. უფლებების გადაცემა

11.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი უფლება-მოვალეობები მესამე პირს.

11.2 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისთვის მთლიანი ან დარჩენილი უფლება-მოვალეობების გადაცემის თაობაზე, აგრეთვე მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

11.3 შეთანხმების მიღწევის შემთხვევაში უფლება-მოვალეობების გადაცემა (მთლიანად ან ნაწილობრივ) ფორმდება წერილობითი სახით შემსყიდველს, მიმწოდებელსა და მესამე პირს შორის.

12. ხელშეკრულების პირობების შეუსრულებლობა

12.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და არაჯეროვანი შესრულების შემთხვევაში გამოიყენება საჯარიმო სანქციები.

12.2 ხელშეკრულებით ნაკისრი ვალდებულებების შეუსრულებლობის, არაჯეროვანი შესრულებისათვის მიმწოდებელს დაეკისრება პირგასამტეხლოს გადახდა, შეუსრულებელი ვალდებულების ღირებულების 1%-ის ოდენობით, მაგრამ არანაკლებ 100 ლარისა.

12.3 ბენეფიციართათვის მომსახურების გაწევის დღის გამოტოვების შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 0,1%-ის ოდენობით, მაგრამ არანაკლებ 1000 ლარისა, თითოეული დღისთვის.


12.4 თუ მიმწოდებელი შემსყიდველის მიერ მომდევნო ანგარიშსწორებამდე არ უზრუნველყოფს დაკისრებული პირგასამტეხლოს დაფარვას, შემსყიდველი მიმწოდებელთან მომდევნო ანგარიშსწორებისას უზრუნველყოფს შესაბამისი თანხის სრულად გადახდას და ამასთან მიმწოდებლის კუთვნილი თანხიდან პირგასამტეხლოს ოდენობის თანხის დაკავებას და შესაბამის სახაზინო კოდზე მიმართვას, რაც მიმწოდებელს ჩათვლება პირგასამტეხლოს გადახდად. თუ ასანაზღაურებელი თანხა სრულად არ ფარავს პირგასამტეხლოს თანხას, უნდა განხორციელდეს დარჩენილი თანხის მოთხოვნა მიმწოდებლისგან მოქმედი კანონმდებლობით დადგენილი წესით.

12.5 თუ მიმწოდებელს პირგასამტეხლოს გადახდა ეკისრება მასთან საბოლოო ანგარიშსწორების შემდეგ, პირგასამტეხლოს თანხა გადახდილ უნდა იქნეს 30 კალენდარული დღის ვადაში.

12.6 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13. ხელშეკრულების შეწყვეტა მისი პირობების შეუსრულებლობის გამო

13.1 შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად:



ა) თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს;
გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრ ვალდებულებების შესრულებას;
დ) მიმწოდებლის გაკოტრების შემთხვევაში;
ე) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბია;

ზ) საქართველოს კანონმდებლობით გათვალისწინებულ სხვა შემთხვევებში.

13.2 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ვადებში არ შეუძლია გაწიოს მომსახურება ან მომსახურების ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.4 მიმწოდებლის მიერ ვადამდე ხელშეკრულების შეწყვეტის მოთხოვნა, განიხილება როგორც ვალდებულების შეუსრულებლობა და შემსყიდველი, საბანკო გარანტიის არსებობის შემთხვევაში, უფლებამოსილია გამოიყენოს წარმოდგენილი საბანკო გარანტია სრულად, ხოლო თუკი ხელშეკრულების შესრულების უზრუნველსაყოფად არ გამოიყენება საბანკო გარანტია, მიმწოდებელი ვალდებულია გადაიხადოს პირგასამტეხლო ხელშეკრულების დარჩენილი ღირებულების 2% ოდენობით. აღნიშნულის შემდეგ ხელშეკრულების მოქმედება წყდება.

13.5 მე-15 მუხლის 15.1 და 15.2 პუნქტში მითითებულ შემთხვევებში შემსყიდველი ვალდებულია აუზნადაუროს მიმწოდებელს ფაქტიობრივად გაწეული მომსახურების ღირებულება.

14. ფორს-მაჟორი

14.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის გამოყენებას ან დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრ ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადავო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს.

16. ურთიერთობა ხელშეკრულების დამდებ მხარეებს შორის

16.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი გზავნილის მხარისათვის ჩაბარება უნდა მოხდეს ფოსტის საშუალებით. ოპერატიული კავშირის დამყარების მიზნით დასაშვებია შეტყობინების მეორე მხარისთვის მიწოდება დეპეშის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. გადასახადები და დაბეგვრა

17.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

17.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

18. ხელშეკრულების მოქმედების ვადა

18.1. წინამდებარე ხელშეკრულება ძალაშია: ხელისმოწერიდან მხარეების მიერ ვალდებულებების სრულ და ჯეროვან შესრულებამდე, 2014 წლის 31 დეკემბრიდან - 2015 წლის 28 თებერვლის ჩათვლით

19. სხვა პირობები

19.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

19.4 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცვლება მხარეთა შორის, უნდა შეესაბამებოდეს აღნიშნულ პირობებს.

19.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

19.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

20. მხარეთა რეკვიზიტები:

შემსყიდველი:

ქ. თბილისის გლდანის რაიონის გამგეობა

მისამართი: ქ. თბილისი, სარაჯიშვილის გამზ. №18

სადენტიფიკაციო კოდი: 209466843

ბანკი: ს/ს „ლიბერთი ბანკი“

ბანკის კოდი: LBRTGE22

ა/ა №GE95LB 0125 1521 0162 7000

ტელეფონი: +995 32 2318980

გამგებელი _____ ბესიკ ქარცივაძე

მიმწოდებელი:

შპს „ილი ჯგუფი“

მის: ქ. თბილისი, კავსადის ქ. №8ა, ბ.1

სადენტიფიკაციო კოდი: 205265808

ბანკი: ს/ს „საქართველოს ბანკი“

ბანკის კოდი: BAGAGE22

ა/ა №GE35BG 0000 0008 9949 6700

ტელეფონი: +995 599-29-21-33

დირექტორი _____ იაშა ჩაჩუა

ბენეფიციართა რაოდენობა – 2175 ბენეფიციარი

ზამთრის სეზონის მენიუ (წლის I,II,III,IV,V,XI და XII თვეები)			
№	ორშაბათი	ერთ მოქალაქეზე გრამებში	ერთ მოქალაქეზე კგრამებში
	ბორში ვეგეტარიანული		
1	კომბოსტო	100,0	0,1
2	ჭარხალი	85,0	0,085
3	ხახვი	12,0	0,012
4	სტაფილო	25,0	0,025
5	კარტოფილი	67,0	0,067
6	ტომატ-პასტა	5,0	0,005
7	მცენარეული ცხიმი	8,0	0,008
8	მწვანილი	7,0	0,007
9	მარილი	1,0	0,001
	ღობიო ამოღესილი		
1	ღობიო	80,0	0,08
2	ხახვი	10,0	0,01
3	ზეთი	5,0	0,005
4	მწვანილი	5,0	0,005
5	ნიორი	2,0	0,002
6	მარილი	2,0	0,002
7	სუნელები	0,5	0,0005
	კომპოტი ხილის		
1	ვაშლი	40,0	0,04
2	შაქარი	15,0	0,015
1	პური	250,0	0,25

№	სამშაბათი	ერთ მოქალაქეზე გრამებში	ერთ მოქალაქეზე კგრამებში
	მაწვნის შეჭამანდი		
1	ხახვი	12,0	0,012
2	მაწონი	20,0	0,02
3	ბრინჯი	30,0	0,03
4	კვერცხი ცაღობით	0,15	
5	მცენარეული ცხიმი	5,0	0,005
6	ნიორი	1,0	0,001
7	მარილი	1,00	0,001
	შვრიის ფანტელის "პერკულესის" ფაფა		
1	"პერკულესი"	50,0	0,05
2	რძის ფხვნილი	10,0	0,01
3	მცენარეული ცხიმი	5,0	0,005
4	მარილი	1,0	0,001
	კაკაო		
1	კაკაო ფხვნილი	5,0	0,005
2	შაქარი	15,0	0,015
3	რძის ფხვნილი	10,0	0,01
1	პური	250,0	0,25

№	ოთხშაბათი	ერთ მოქალაქეზე გრამებში	ერთ მოქალაქეზე კგრამებში
	ბარდის წვნიანი		
1	ბარდა	65,0	0,065
2	ხახვი	8,0	0,008
3	სტაფილო	12,0	0,012
4	მწვანილი	3,0	0,003
5	მცენარეული ცხიმი	6,0	0,006
6	ნიორი	1,0	0,001
7	მარილი	2,0	0,002
	წიწიბურას ფაფა		
1	წიწიბურა	50,0	0,05
2	ზეთი	10,0	0,01
3	მარილი	1,0	0,001
	კისელი		
1	კისელი (ფხვნილი)	10,0	0,01
2	შაქარი	5,0	0,005
1	პური	250,0	0,25

№	ხუთშაბათი	ერთ მოქალაქეზე გრამებში	ერთ მოქალაქეზე კგრამებში
	წვნიანი ხორცის გუფტებით		
1	ხორცი	52,0	0,052
2	ხახვი	12,0	0,012
3	მწვანილი	5,0	0,005
4	ბრინჯი	25,0	0,025
5	ტომატ-პასტა	5,0	0,005
6	ზეთი	5,0	0,005
7	ნიორი	2,0	0,002
8	სუნელები	0,35	0,00035
9	მარილი	2,0	0,002
10	შავი წიწაკა	0,35	0,00035
11	კვერცხი ცაღობით	0,15	
	ბრინჯის ტკბილი ფლავი ქიშმიშით		
1	ბრინჯი	40,0	0,04
2	შაქარი	10,0	0,01
3	ქიშმიში	10,0	0,01
4	ცხოველური ცხიმი	8,0	0,008
5	მარილი	1,0	0,001
	კომპოტი ხილის		
1	ვაშლი	40,0	0,04
2	შაქარი	15,0	0,015
1	პური	250,0	0,25

№	პარასკევი	ერთ მოქალაქეზე გრამებში	ერთ მოქალაქეზე კგრამებში
	მაკარონის ან ვერმიშელის წვნიანი		
1	მაკარონი ან ვერმიშელი	25,00	0,025
2	კარტოფილი	30,00	0,03
3	მცენარეული ცხიმი	4,00	0,004
4	ტომატ-პასტა	5,00	0,005
5	სტაფილო	12,00	0,012
6	ხახვი	8,00	0,008
7	ნიორი	1,00	0,001
8	მწვანილი	3,00	0,003
9	მარილი	1,00	0,001
10	სუნელები	0,20	0,0002
	მოხარშული კარტოფილი (პიურე) ხახვით		
1	კარტოფილი (პიურე)	275,0	0,275
2	ხახვი	36,0	0,036
3	მცენარეული ცხიმი	8,0	0,008
4	მწვანილი	7,0	0,007

კომპოტი ხილის			
1	ხილი ან წირი	40,0	0,04
2	შაქარი	15,0	0,015
1	პური	250,0	0,25
№	შაბათი	ერთ მოქალაქეზე გრამებში	ერთ მოქალაქეზე კგრამებში
ქათმის ბულიონი			
1	ქათმის ბარკალი	100,0	0,100
2	სტაფილო	5,0	0,005
3	ხახვი	8,0	0,008
4	ნიორი	1,0	0,001
5	მწვანელი	5,0	0,005
6	ბრინჯი	25,0	0,025
7	მარილი	2,0	0,002
შილა ფლავი			
1	ხორცი (ნათუქებული)	15,0	0,015
2	ბრინჯი	30,0	0,03
3	სუნელები	0,4	0,0004
4	მარილი	2,0	0,002
ჩაი			
1	ჩაი	1,0	0,001
2	შაქარი	10,0	0,01
3	ლიმონი	1,0	0,001
1	პური	250,0	0,25

№	კვირა	ერთ მოქალაქეზე გრამებში	ერთ მოქალაქეზე კგრამებში
ვერმიშელის წვნიანი			
1	ვერმიშელი	25	0,025
2	კარტოფილი	30	0,03
3	მცენარეული ცხიმი	4	0,004
4	სტაფილო	12	0,012
5	ხახვი	8	0,008
6	ტომატ-პასტა	5	0,005
7	მარილი	1	0,001
8	მწვანელი	3	0,003
მანანის ფაფა			
1	მანანის ბურღული	25,0	0,025
2	ცხოველური ცხიმი	5,0	0,005
3	რძის ფხვნილი	10,0	0,01
4	შაქარი	10,0	0,01
5	მარილი	1,0	0,001
მოხარშული კვერცხი			
1	კვერცხი ცაფლობით	1,0	
ხილი			
1	ხილი	40,0	0,04
1	პური	250,0	0,25

**ზამთრის მენიუთი განსაზღვრული ულუფების
წონა/მოცულობა**

<u>ორშაბათი</u> 1. ბორში ვეგეტარიანული - 450 გ 2. ლობიო ამოღესილი - 200 გ 3. კომპოტი ხილის - 40/200 გ 4. პური ხორბლის - 250 გ	<u>სამშაბათი</u> 1. მაწვნის შეჭამანდი - 450 გ 2. შვრიის ფანტელის (ჰერკულესი) ფაფა - 250 გ 3. კაკაო რძით - 200 გ 4. პური ხორბლის - 250 გ
<u>ოთხშაბათი</u> 1. ბარდის წვნიანი - 450 გ 2. წიწიბურას ფაფა - 200 გ 3. კისელი - 200 გ 4. პური ხორბლის - 250 გ	<u>ხუთშაბათი</u> 1. წვნიანი ხორცის გუფთებით - 450 გ 2. ბრინჯის ტკბილი ფლავი ქიშმიშით - 250 გ 3. კომპოტი ხილის - 200 გ 4. პური ხორბლის - 250 გ
<u>პარასკევი</u> 1. მაკარონის ან ვერმიშელის წვნიანი - 450 გ 2. მოხარშული კარტოფილი (პიურე) ხახვით - 200 გ 3. კომპოტი ხილის - 200 გ 4. პური ხორბლის - 250 გ	<u>შაბათი</u> 1. ქათმის ბულიონი - 450 გ 2. შილა ფლავი - 200 გ 3. ჩაი ლიმნით - 200 გ 4. პური ხორბლის - 250 გ
<u>კვირა</u> 1. ვერმიშელის წვნიანი - 450 გ 2. მანანის ფაფა - 250 გ 3. მოხარშული კვერცხი - 1ცალი 4. ხილი - 40 გ 5. პური ხორბლის - 250 გ	

მიმწოდებლის ხელმოწერა და ბეჭედი



გასაწევი მომსახურების ფასი

მიმწოდებელი: შპს "ილი ჯგუფი"

N°	სასაქონლო მოსარგებლე ბენეფიციარის რაოდენობა	ერთი ბენეფიციარის ერთჯერადი კვებით მომსახურების ფასი – 1 კვება-დღე (ლარი)	2015 წლის 03-იანვრიდან 2015 წლის 31 იანვრის ჩათვლით მომსახურების გაწევის დღეთა რაოდენობა	სულ 03.01.2015 –დან 31.01.2015-ის ჩათვლით პერიოდში გასაწევი მომსახურების ღირებულება (ლარი) 3.2X3.3X 3.4	სასაქონლოს მისამართი
1	2	3	4	5	6
	355	1,15	29	11 839,25	გლდანის მე-7 მ/რ კ.4ა
	450	1.15	29	15 007,50	გლდანის მე-6 მ/რ კ.7
	550	1.15	29	18 342,50	მუხიანის მე-2 მ/რ კ.22
	270	1.15	29	9 004,50	მუხიანის მე-2 მ/რ კ.18
	550	1.15	29	18 342,50	ლიბანის ქ. №7
სულ	2175	X	X	72 536,25	X

მიმწოდებლის ხელმოწერა და ბეჭედი

